

漁洋山人感舊集

土

感舊集卷十一

漁洋山人選

德州盧見曾補傳

葉方藹二十二首補遺十二首

方藹字子吉號訢菴江南崑山人順治己亥進士及第官翰林學士兼禮部

侍郎加本部尚書諡文敏

分廿餘話亡友葉文敏評余蜀道集詩母論大篇短章每首具有二十分力量所謂獅子搏象免皆用全力也余深愧其言又嘗語

余兄七言長句他人不能及祇是讀得史記漢書熟耳香祖筆記余少時有句云螢火出深碧池荷開暗香葉文敏極喜之取入獨賞集王原良三公詞注葉公夙著清操家無餘財以斯文爲己

任詩宗蘇陸文宗眉山生平服膺王阮亭詩注鈍翁文公實兼有二家之長

按學士才餘于位德餘于才爲仁皇帝所器重會予告家居有密陳其居鄉不法者上命蘇撫田震察之遂以鄉評之實入奏上曰朕固知葉方藹不如是也將大用而學士遽捐館舍嗚呼以學士之盛德爲明主所深契間雖未行而讒亦不免吁可畏哉

人曰

新年春色暖融融人日晴光更不同水向野塘猶自綠花非繡幕亦能紅聽鶯樹下
沾初雨試馬隄邊愛晚風若比道衡離思苦還家已是二年中

邨舍見紅紫葵花開特可愛

插棘編荆茅舍清此中誰擬見傾城紫絲作障遮空暗紅錦裁衣曳地明惆悵忽從
攀處得淒涼多爲別時生不須更結繁華夢埜蜨山蜂自有情

方塘

方塘如鏡月如弦綺陌風光只似前草暖庾郎盤馬地絮飛謝女詠詩天重尋好事
疑經夢更盼佳期恍遇仙待與何人共攜手隔花羞見蜨翩翩

春日

柳短閒莎長春風觸處狂蜨飛遺剩粉鶯過炙新簷銀檣頻傾酒金鑪滿爇香可容

窮阮籍一慟綺羅旁

橫塘詩爲雪洲作

黃篋樓西赤板橋曾于此地見妖嬈星河耿耿前期宵雲雨沈沈舊夢遙空倚露桃
誇靚頰每攀風柳愛纖腰相思便抵橫塘水百折千迴在此宵

江邊見白鳥

吳波楚浪兩茫茫獨占荒原立夕陽海鷗肯教成伴侶野鷗翻自笑行藏誰憐皓白
衣如雪祗恨飄蕭頂似霜難遣江湖幽興在汀蘭岸芷夢魂長

月

每向愁邊見多於客裏親雲疑淹逸彩露欲洗幽塵一淡能娛我三更轉近人偶窺
微缺處清淚忽沾巾

將去白下留題寓壁

旅遊日日閉雙扉祇怪浮蹤與世違絕欄斷碕行處路岑牟單絞著時衣無心偶逐雲同出避色還隨鳥共飛底事風光留不住江鄉久誤釣魚磯

秋日過鄰院

山雲禪榻靜相因偶爲孤遊得笑頻閒對景光眞逝水暗悲身世總流塵頻來簷鳥疑新主別去庭花是故人一闌漁歌數聲笛溪邊林下轉情親

與一公

北窗鎮日坐騰騰自把閒身閱廢興顧我全拋黃綬客愛君不著紫衣僧秋林汲罷沾雙屐夜雨吟殘靜一燈廿載名心刊落盡不須更爲說三乘

南榮

破絮罷朝眠南榮兀坐偏不如愁有力翻恨酒無權日愛趙衰暖風憂張旭顛還憐
曝背樂難得獻君前

口占

道逢牧豬叟荷篠向巖中攜經欲借問恐有漢三公

客有引韋宏嗣賦嘲予弈者戲舉謝安石事答之

泚水千羣鐵騎塵謝公方罫鎮隨身無因說與韋郎道三百枯碁敵萬人

按宏嗣有博非賦也題似

奕論有誤

題吳處士莊

二月春泥一尺深杏花門巷費招尋爭傳市上搖頭過忽見窗閒擁鼻吟砌迸筍皆
成碧玉囊餘藥盡化黃金元纁尙擬何時到只著麻衣弄渚禽

荷花

千二百驚鴻翩然小隊同采珠洛浦上弄珮漢江東顰處矜眉翠啼時怨臉紅一生心事在辛苦綠房中

枯樹

無復凌霄聳壑心千尋落落臥幽岑敢將榮悴爭時代獨與巖流共古今縱使帆來難近漢便教斲就不堪琴南朝名士雖工賦未解莊休意更深

柳

嫋雨拖煙萬萬絲秋來顚顚不勝悲何人曾到靈和殿記得君王手種時

青溪廟

青溪白石渺相望獨處終年不嫁郎曾笑素娥蟾作窟更羞織女鵲成梁龍旂影宵

蕭蕭月駕瓦寒銷寂寂霜廿載無媒路旁客還來下馬奠椒漿

飲勿菴二十四峯閣

二十四峰新與君充下陳開窗雲入座卷幔月窺人小駐尋花屐頻攜漉酒巾醉醒俱不忌始見兩情真

伏枕

伏枕三竿日巡檐半畝居愁同填海鳥恨比過河魚往事羞重憶浮名忍更除茂陵松柏老誰問病相如

瓊樹

瓊樹何曾見一枝紛靡衆草競英蕤擬從騷客求蘭佩欲向靈妃問桂旗天上只疑星是石人間枉泣墨非絲偶經抵鵲山前過終古無端替玉悲

清江

清江水色碧于苔南客扁舟北渡來
曉日未瞻鳩鵲觀陰雲已滿鳳凰臺
漫防酒醉先防醒不怕花殘卻怕開
無限傷心還自語此生終見太平迴

將至辰山寄勿菴子

以下補遺

知近幽人住谿流覺更清偶隨落花入
忽見羣峯迎石上遲誰酌澗邊遙獨行
煙波三十里無分與君爭

自題獨賞集

洗淨浮埃覩碧天虞山一老獨巍然
短詞數首尤多味不羨聯珠疊璧懸
婁水虞山相代興長篇學士更誇能
連昌長恨猶難匹近代何人敢作朋
梁代詞人庾開府哀江南賦最稱工
千端萬緒嫌難盡未抵金陵四句中

宛陵風土擅詩名自古前賢避後生近日施家新體好無人更道謝宣城
機雲昔日皆工賦軾轍當年並擅文今見二王詩律峻始知鼎足是三分
王家小美擅詞場五字堅城勢莫當吟到池荷暗香句教人不憶孟襄陽
海虞馮叟筆通神比興詩篇字字新若較吳歈眞敵手邢夫人見尹夫人
長沙舊著弔屈賦南海今爲哭賈詞魚腹消沈千古怨蛾眉謠詠萬人悲
菊秀蘭芳竝一時玉遮風調略堪思省曹誰是知名士便欲煩君替左司
破扉烟斷出孤吟廡下高風尙可尋萬手雷同誰敢擬懸軒簫鼓一聲琴
駕水騷人彭駿孫兩年詩格未評論鄒陽出獄猶流落何日含毫奉兔園

陳維崧三十三首

維崧字其年江南宜興縣學生舉博學鴻詞官檢討有湖海樓詩集檢討集

香祖筆記余少在揚州賦冶春詩其年後至贈余詩曰玉山筵上頽唐甚意氣公然籠罩人池北
偶談陳其年年四十餘尙爲諸生有日者謂之曰君過五十必入翰林梅杓司贈句云朝來日者橋
邊過爲許功名似馬周至已未果以應薦授檢討時年五十六又先考功兄常云陳其年浪捲前朝
去英雄語也其年有烏絲詞三卷多瓊奇閨房游俠之詞尤妙如春陰簾外天如墨玉梅花下交二
九雖秦李不能過也說鈴陳處士排偶之文芊綿悽惻幾于凌徐板庖余致書王于一曰唐以前
某不敢知自開寶以後七百年無此等作矣宋牧仲筆筠廊偶筆王西樵常語子弟曰陳其年短
而髯不修邊幅吾對之祇覺其嫵媚可愛以伊胸中有數千卷書耳
按陳檢討四六文集二十卷皖江工程師恭叔才爲之註

子夜歌

昨夜春風來先入秦淮殿可憐桃李花開遍金陵縣

穿妾鳳凰針雜花復經緯辛苦製邊衣誰人之東魏

黃竹子歌

竹子何黃黃知是長江口與郎並船行碧浪照螭首

古意贈吳四湛

便覺寒城外蕭蕭秋雨音匪違賢達訓轡子豈無心昨夜湘君岸猿啼更深師涓
儻早悟絕操已如今

同冷生谷賓過訪仲來觀書畫兼聽小僮絃索因觀劇至夜分大雪始還

冬十一月北風作麻衣透骨若穿鏐此時客子何所似紇千山頭棲凍雀酒徒蔣濟
吾葛彊老大只欲爲顛狂清晨拉訪浣花叟入門大叫呼索郎主人嗜好古無匹四
壁縹緗氣蕭瑟觀畫喜無寒具手摹書大似釵痕出少焉慮子彈龜茲白翎雀雜楊
叛兒老夫度曲辨分判此輩嫋嫋真如絲興酣樂極不知暮欲行未行客相顧主人
留客爲客言且聽燈前歌玉樹一聲摻鼓客滿堂紫簫紅蠟何蒼涼細腰解作善財
舞瑣骨能爲回鶻妝夜闌燼漏欲絕絳羅綵縹神清揚君不見健兒須飽馬須齧來
時北風去時雪

別姜綺季

去歲王珣宅邊住思君只隔吳宮樹我作伯勞君走兔今年蹋臂西風蒼同住南朝
石子岡我作何戡君葛彊十年心事那便數秋星下照庾家墓明日辭君出城去

春日訊堆山大師

聞道維那病春深自息機人持初祖偈家對五湖暉祇樹流清磬王城拂梵衣衡陽
能設難何日解談圍

別梅杓司

與爾吳門棹樓遲又浹旬相看無一事攜手過三春罷酒忽不樂當今無此人那堪
分袂日金鼓動江津

贈杜于皇

浩蕩乾坤內如君老客星浮雲雙阜帽落日一新亭昨遇江陵估攤錢下洞庭亂離終在口淒咽不堪聽

贈吳人陳敬仲

紫蟹黃花節物新他鄉斗酒亦情親樽前賴爾能吳語澤畔憐余類楚臣夜月鉤蟬彈法曲秋風石燕說遺民江東年少休相問七十何哉是舊人

舟中作

潮生前塞橋月出東湖淑不見故鄉城漸聞故鄉語

歲暮懷文友武林

越女如花倚玉牀金樽美酒兌餘杭相逢勸飲且須飲未到白頭休斷腸

憶法藏寺前柳

一樹青絲拂寺前
移移和月復和煙
當時春夜頻來往
曾見依依十二年

雙溪竹枝

斜日蓀橈罨畫遊
可憐春水滑如油
迴船亂泊鰕籠嘴
三月風光似小秋
斑竹妝樓水上多
樓前流水是官河
鉤簾纔覺西風起
一幅吳綾已作波
荆溪士女多明秀
眠食青山與碧潭
周處廟連珠巷北
牧之陂在石橋南
百合塲西戰壘存
射蛟橋上暮雲昏
尙留雨後銅官色
潑翠流丹到縣門

聽白生彈琵琶

感慨淒涼復窈濛
細如春夢疾如風
少年漫把紅牙拍
此是檀槽太史公
縱酒狂歌總絕倫
曾將薄藝傲平津
江南江北千餘里
能說興亡是此人
醉抱琵琶訴舊遊
禿衿嬌帽脫梢頭
莫言此調關兒女
千載夷門解報讐

彈罷金樽酒不辭自言雙鸞竟如絲依稀記得調鷹處盼子城東月黑時

顧尙書家御香歌

獵獵朔風翻義帳營門紫馬屹相向陳生醉拗珊瑚鞭蹀躞閒行朱雀桁顧家甲第
高於天顧家父子真好賢開門揖客客竟入留客不惜青銅錢玉缸潑酒酒初壓秦
箏促柱彈銀甲綠鬟小史意致閒卻愛微紅添寶鴨陳生此時聞妙香欲言不言魂
茫茫心知此香說不得得非迷迭兼都梁主人重取蘭膏爇此香舊事還能說憶昔
初賜長安街金甌天下猶無缺至尊桂殿日齋居千首青詞錦不如綠章夜上龍顏
喜第一勳名顧尙書嵯峨紫塞榆關道白雁黃沙風浩浩萬馬崩騰夜有聲三關蕭
瑟春無盜尙書辛苦鎮居延絡繹黃封賜日邊非關小物君恩重爲許香名國史傳
鏤金小盒宮門出中消一騎紅塵疾親題萬顆小金丸猶是昭陽內人筆只因滄海

看成田留得天香幾百年
攏來綺袖人誰問
熏罷銀篝味不全
白楊已老尙書墓
世閒萬事那如故
主人語罷客亦愁
留客牽衣客不住
君不見客衣零落詎堪論
半漬香痕半淚痕
忍看天寶年閒物
我亦東吳少保孫

贈王仲超

江左蕭蕭老畫師
酒酣雙髻漸成絲
十年曾看巴陵景
含墨空齋寫楚詞

清明後六日將發如臯留別

市橋山郭綠參差
正是愁人欲別時
客裏交情倍重醉
餘聽曲調還悲
東風送遠惟江水
南國銷魂在柳絲
此去淮陰春已暮
當年漂母只空祠

招林茂之先生劉公猷比部小飲紅橋野園越日茂之先生賦詩在贈奉酬一

首